



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

Caput XXIV. Quomodo interioris constitutionis reddenda sit ratio.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

Angele mi Tutelaris, tu quoque mihi assiste, ut omnia dæmoniorum adversum me eludas molimina. Et vos amantissimi Patroni mei N. N. vestris intercessionibus misello huic servulo vestro opem ferte. Amen.

Decumbendo cogitemus 1. Ad futuram aliquando diem illam, qua decumbemus, nullo unquam tempore resurrecturi. 2. Confundamur & erubescamus, quod commodè decumbamus, & cooperti simus, ubi sancti sæpe sæpius in gelida humo cubabant. 3. Consideremus nos, ubi ita commodè agimus, non videri nomine dignos esse servorum Jesu Christi, qui in hoc mundo non habebat, ubi vel caput suum reclinaret, velut ipse aliquando ait: *Vulpes foveas habent, & volucres cæli nidos. Filius autem hominis non habet, ubi caput suum reclinet.*

Luc. 9. 53.

Quod si quando noctu expergiscamur, devotam ad Deum eiaculabimur aliquam aspirationem. Atque si animus forte somno obrutus formare nullam potest, satis erit dicere: *Gloria Patri & Filio, & Spiritui Sancto.* Inde rursus obdormire connitemur. En omnes actiones diei totius, nunc paucis etiam acturi sumus de illis, quas quandoque in hebdomada, sive etiam temporibus facere solemus indeterminatis.

CAPUT XXIV.

Quomodo interioris constitutionis reddenda sit ratio.

Conventus superior, sive Pater Spiritualis nobis

nobis est loco Dei, ut ab ipso recipiamus in tristitia solatium, in laboribus animum, lumen in dubiis, & in tentationibus nostris auxilium. Ille, qui interioris constitutionis suæ rationem, ut ritè deducatur, non reddit, vel nimium de se ipso præsumit, vel de profectu suo spiritali exiguam curam habet. Corda nostra aperire debemus Directori nostro, atque si ipsi Deo aperiremus: maximi etenim sancti in quibusvis occasionibus, quoad in hoc mundo vixerunt, præsentius neutiquam reperere solatium.

Hac via securè, quin à scopo aberremus, in cæli itinere ambulamus, neque enim falli possumus aut errare, illius ubi morem consiliis gerimus.

Diabolicæ tentationes ad primum gressum, quem facimus, ut illas detegamus, dissipantur & evanescent: & superbissimus ille noster Adversarius omnem tentandi nos cupidinem amittit, quamprimum infantili quadam simplicitate ei palam facimus futurum, ut Patri nostro Spirituali rem totam aperiamus. Ita ipsa natura infantes, sive parvulos pueros edocuit, ut pro magna, quam habent in parentes suos, fiducia illis omnibus, qui mali quid ipsis inferre moliuntur, minentur fore, ut dicant patri suo, quo facto securissimos jam esse sese existimant.

Candida ac sincera hæc difficultatum sive molestiarum, atque interioris constitutionis nostræ declaratio magnam nobis pacem atque internam conciliat suavitatem. Quod si verò e contrariò Cacodæmon persuadere no-

bis posset eorum occultationem, perpetuas nobis perturbationis præberet materias, atque demum omnino nos perderet.

„ *Directio.* Domine Deus meus, Pater celestis, qui mihi, velut filio tuo, de sapiente Magistro, ac vero Patre in persona Superioris vel Directoris mei prospexisti, qui vices tuas obit, atque in quo vis proinde te ipsum ut agnoscam, veluti reverà persuasum mihi habeo, esse te, per os illius mihi qui loqueris; Gratiã istam te oro, ut omnem interiorẽ rem meam dispositionem ea ipsi ratione aperiam, ut lumina ab ipso & monita atque consilia, quæ mihi pro meo profectu spirituali fuerint necessaria, recipiam. Obsecro te, Domine, ut cohibeas & confundas per-versa Dæmonum, inimicorum meorum, molimina, ne fortè animum meum perturbent, aut mihi persuadeant, ut non sine magna jactura mea aliquod conscientiæ meæ arcanum ipsum celem, aut quadam ei dissimulatione occultem. Te etiam, Virgo Sacratissima, oro, hanc mihi gratiam ut obtineas.

Ampliores ac faciliore interiore tuam dispositionem disquirendi atque aperiendi methodum, quam alibi reperies, brevitate ergo hinc præmitto.

Interior constitutio illius, qui hac ratione manifestare arcana animi sui cupit, consistit in eo, ut Deum oret, ut Directori suo ea, quæ ipsi necessaria magis fuerint, inspiret. 2. Ut ita illum amet, ut candidè omnes suos illi defectus aperiat, ut ea ratione superbiam suam deprimat,

De
Oratio

mat, ac secretæ de se ipso præsumptioni me-
deatur. 3. Ne nimia familiaritas cum ipso in-
tercedat, neve ea ratione faciat, ut supervaca-
neis sermonibus tempus inutiliter transiga-
tur. 4. Ut ea, quæ ille semel ipsi dixerit, stu-
diosius animadvertat, ut alia illa ei in occasio-
ne deserviant.

CAPUT XXV.

*De defectuum in Capitulo, si ve cul-
parum exercitio correctione.*

PER humilem culparum ac noxarum no-
strarum coram Superioribus nostris accu-
sationem, & amicam, quam ab ipsis recipi-
mus correctionem, Diabolus uno horæ qua-
drante amittit, integra de nobis hebdomada
quidquid lucri reportaverit. Verùm insignem
de nobis referret victoriam, si illas agnoscere
ac fateri cùm deberemus, eas ut occultare-
mus, aut defendere satageremus, persuaderet:
atque ea ratione nos in periculosum omnino-
que infelicem in immortificationibus nostris
obstinationis statum reduceret, sicque demum
laberemur in incorrigibilitatem, quæ ultra o-
mnem modum reformidanda est Religiosis,
quia certissimum iter est ad æternam con-
demnationem.

Porrò fructus ejusmodi humilis noxarum
accusationis omnino eximii sunt. Etenim
ubi ipsas coram Fratribus nostris ipsi condem-
namus, eas abolemus, animas nostras purga-
mus, perversum, quod dedimus, reparamus
exemplum, satis justitiæ divinæ facimus, con-

H h 5 fusio-